



Sud Bosne i Hercegovine
Суд Босне и Херцеговине

Broj: S1 3 Iž 037933 20 Iž
Sarajevo; 22.10.2020.godine

Sud Bosne i Hercegovine, u drugostepenom vijeću sastavljenom od sudija Srete Crnjak kao predsjednika vijeća, Dinke Bešlagić-Čovrk i Vesne Trifunović kao članova vijeća, odlučujući o žalbi Babić Rade, Babić Bojana I Babić Nade, iz Srbije, Sonje Marinković br. 3 Novi Sad 21000, izjavljenoj protiv Odluke Centralne izborne komisije Bosne i Hercegovine broj 05-1-07-1-997/20 od 01.10.2020. godine o utvrđivanju i objavi broja birača upisanih u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 22.10.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine broj i datum navedeni u uvodu, utvrđen je i objavljen broj birača upisanih u izvod iz Centralnog biračkog spiska za glasanje izvan Bosne, ukupno 101.771 birača.

Protiv ove odluke žalbu su uložili Babić Rade, Babić Bojana I Babić Nade navodeći da su registrovana za glasanje iz Republike Srbije, pa prijavljuju zloupotrebu glasačkog prava i zloupotrebu identiteta i podataka.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbaci, odnosno odbije kao neosnovana jer u konkretnom slučaju Centralna izborna komisija BiH, imajući u vidu činjenicu da je za žalitelje dostavljena prijava koja ispunjava uslove za upis u izvod iz Centralnog biračkog spiska za glasanje izvan Bosne i Hercegovine iz Srbije, te da podnositelj žalbe nije postupio po zahtjevu CIK-a tj. nije dostavio svojeručno potpisanu izjavu o navodima iz žalbe, iz čega proizilazi da se radi o zloupotrebama biračkog prava.

Pored navedenog istaknuto je da će žalitelju biti omogućeno da glasa nepotvrđenim kovertiranim gasačkim listićem na redovnom biračkom mjestu određenom prema njegovom mjestu prebivališta, a da će CIK BiH u Glavnom centru za brojanje izuzeti glasački materijal dostavljen od žalitelja i isti neće biti prebrojan u cilju sprečavanja zloupotrebe biračkog prava i omogućavanja ostvarivanja biračkog prava biračima kojima ono zaista pripada.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Prema stanju u spisu, Centralna izborna komisija BiH (CIK BiH) je, prije donošenja ožalbene odluke, a prilikom razmatranja prijave dostavljene dana 28.08.2020. godine putem e-maila na ime žalioca, utvrdila da je dostavljen obrazac prijave za glasanje izvan BiH za žalioca, uz koji je dostavljena kopija važeće lične karte za imenovanu. S obzirom da je prijava za glasanje izvan BiH ispunjavala sve uslove propisane odredbom člana 3.15 Izbornog zakona BiH, žaliloci se nalaze na izvodu iz Centralnog biračkog spiska za glasanje izvan BiH iz Srbije.

S obzirom na ovakvo činjenično stanje, u situaciji kada žalilac nije postupio po zahtjevu Centralne izborne komisije u cilju utvrđivanja vjerodostojnih činjenica o identitetu žalioca, neosnovanom se ukazuje i žalba žalioca.

Naime, u konkretnoj situaciji nesumnjivo se radi o zloupotrebi biračkog prava, međutim, Centralna izborna komisija BiH na osnovu raspoloživih činjenica nije bila u mogućnosti utvrditi ko je počinio zloupotrebu biračkog prava za glasanje izvan BiH, jer je zloupotreba mogla biti učinjena, kako od strane žalioca, tako i od strane trećih lica. Međutim, u svakom slučaju žaliloci će biti u mogućnosti da iskoristi svoje biračko pravo i da po želji glasaju na svom redovnom biračkom mjestu određenom prema njihovom mjestu prebivališta.

Naime, žalioцу će, ukoliko na dan Lokalnih izbora 2020. godine, dođe na redovno biračko mjesto određeno prema njegovom mjestu prebivališta, biti omogućeno da glasa nepotvrđenim kovertiranim glasačkim listićima (član 5.18 Izbornog zakona BiH) koji će biti potvrđeni i prebrojani u Glavnom centru za brojanje, s tim što će Centralna izborna komisija BiH u Glavnom centru za brojanje izuzeti glasački materijal dostavljen eventualno i iz inostranstva na ime žalioca i isti neće biti ponovo prebrojan, a sve u cilju sprečavanja zloupotreba biračkog prava i omogućavanja ostvarivanja biračkog prava biračima kojima ono zaista pripada.

Prema odredbi člana 5.18 Izbornog zakona BiH, ako se ime birača ne nalazi na izvodu iz Centralnog biračkog spiska zato što se birač upisao u Centralni birački spisak da glasa izvan zemlje, a vratio se da glasa lično u Bosni i Hercegovini, njegovo ime dodaje se na poseban obrazac koji sadrži sve podatke kao i izvod iz Centralnog biračkog spiska. Birač se potpisuje na izvod i ima pravo glasati nepotvrđenim-kovertiranim glasačkim listićem, u skladu sa odredbama ovog zakona.

S obzirom na navedeno apelaciono vijeće je ocijenilo da se pobijanom odlukom Centralne izborne komisije BiH ne povređuje biračko pravo žalioca.

Iz navedenih razloga apelaciono upravno vijeće ovog suda nalazi da je pobijana odluka Centralne izborne komisije Bosne i Hercegovine pravilna i zakonita a žalba neosnovana, pa je istu primjenom odredbe člana 81. stav 1. druga rečenica, Zakona o upravnim sporovima Bosne i Hercegovine („Službeni glasnik BiH“ broj 19/02 do 74/10) valjalo odbiti.

**PREDSJEDNIK VIJEĆA
SUDIJA
Sreto Crnjak**